

02/G-1
01-02-2019

UPRAVA POLICIJE, Ministarstvo unutrašnjih poslova Kantona Sarajevo, ulica La Benevolencija broj 16, koju zastupa policijski komesar, generalni inspektor policije Mevludin Halilović (u daljem tekstu: Kupac)

i

Trgovačko preduzeće na veliko i malo DISTRIBUTIVNI CENTAR d.d. Sarajevo, Rajlovačka bb, koga zastupa direktor Društva Mirsad Hodžić (u daljem tekstu: Prodavac)

Strane u okvirnom sporazumu saglasno konstatuju:

- da je Ugovorni organ u skladu sa Zakonom o javnim nabavkama ("Službeni glasnik BiH", broj 39/14) proveo otvoreni postupak za nabavku prehrambenih proizvoda i proizvoda široke potrošnje i nabavku svježeg voća i povrća, sa ciljem zaključivanja okvirnog sporazuma sa jednim ponuđačem na period od 24 mjeseca;
 - Okvirni sporazum ne predstavlja obavezu Ugovornog organa na zaključivanje ugovora o javnoj nabavci;
 - Obaveza nastaje zaključivanjem pojedinačnih ugovora o javnoj nabavci, na osnovu ovog Okvirnog sporazuma, u zavisnosti od potreba Ugovornog organa, a pod uslovima utvrđenim u ponudi Prodavca broj 1606/18
- i sklapaju

OKVIRNI SPORAZUM

Član 1.

Predmet okvirnog sporazuma je utvrđivanje uslova za zaključivanje pojedinačnog ugovora o nabavci prehrambenih proizvoda i proizvoda široke potrošnje i svježeg voća i povrća za potrebe Uprave policije Ministarstva unutrašnjih poslova Kantona Sarajevo, putem otvorenog postupka, na osnovu obavještenja o nabavci broj 16475-1-1-71-3-92/18 od 14.11.2018. godine i Odluke o izboru ponuđača broj 02-14-4-7668-3/18 od 28.12.2018. godine, a u skladu sa uslovima iz tenderske dokumentacije, ponudom Prodavca broj 1606/18, odredbama ovog Okvirnog sporazuma i stvarnim potrebama Kupca

Količine navedene u specifikaciji su okvirne i važe za vrijeme važenja okvirnog sporazuma.

Član 2.

Vrijednost okvirnog sporazuma za lot 1 - nabavka prehrambenih proizvoda i proizvoda široke potrošnje, nakon provedene e-aukcije, bez PDV-a iznosi 22.265,65 KM, a vrijednost okvirnog sporazuma za lot 3 – nabavka svježeg voća i povrća, bez PDV-a iznosi 595,85 KM.

Cijene su fiksne i ne mogu se mijenjati za vrijeme važenja ovog Okvirnog sporazuma.

Član 3.

Nakon zaključivanja okvirnog sporazuma, zaključit će se pojedinačni ugovor o javnim nabavkama. Pri zaključivanju pojedinačnog ugovora, ne mogu se mijenjati bitni uslovi iz ovog okvirnog sporazuma.

Član 4.

Kupac će ugovorenu cijenu plaćati u roku od trideset (30) dana po dostavljanju fakture.

Član 5.

Prodavac garantuje da će isporučena roba biti odgovarajućeg kvaliteta, prema važećim standardima.

Član 6.

Prodavac se obavezuje da ugovorenu isporuku roba izvrši u roku od jednog (1) dana od dana prijema narudžbenice.

Član 7.

Ukoliko poslije zaključenja ovog okvirnog sporazuma nastupe okolnosti više sile koje dovedu do ometanja ili omogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u okvirnom sporazumu koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 8.

Ovaj okvirni sporazum se zaključuje na period od 24 mjeseca, a stupa na snagu danom obostranog potpisivanja.

Član 9.

Sva, eventualno sporna pitanja rješavat će se dogovorom, štiteći obostrane interese.

U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 10.

Ovaj okvirni sporazum izrađen je u četiri (4) istovjetna primjerka, od kojih po dva (2) zadržava svaka strana.

PRODAVAC

TP Distributivni centar d.d. Sarajevo


DIREKTOR DRUŠTVA Mirsad Hodžić

Broj: 43

Datum: 30.01.2019

KUPAC
MUP KANTONA SARAJEVO
UPRAVA POLICIJE
POLICIJSKI KOMESAR
Generalni inspektor policije
Mevludin Halilović



Broj: 02-14-4-413

Datum: 24-01-2019